

Z A P I S N I K

**sa IX sjednice Senata Univerziteta održane 20.06.2007. godine sa početkom u 13,00 sati,
u sali za sjednice Rektorata Univerziteta u Tuzli**

Sjednicom je predsjedavao predsjednik Senata prof.dr. Džemo Tufekčić, rektor Univerziteta.

Sjednici su prisustvovali: prof.dr. Admedina Savković, prof.dr. Enver Mandžić, prof.dr. Nevzeta Salihović, doc.dr. Ajša Mahmutagić, prof.dr. Reuf Kapić, prof.dr. Izudin Kešetović, doc.dr. Amir Tokić, prof.dr. Lejla Begić, prof.dr. Zlata Mujagić, prof.dr. Branimir Mikić, doc.dr. Alija Biberović, doc.dr. Bego Omerčević, doc.dr. Izet Alić, prof.dr. Ramiz Šelo, doc.dr. Hajro Kofre, doc.dr. Izudin Hasanović, prof.dr. Salih Kulenović, prof.dr. Abdulah Bašić, prof.dr. Izet Žigić i Ismet Pirić, dipl.ecc.

Sjednici nisu prisustvovali: prof.dr. Mirsad Đonlagić, prof.dr. Snježana Marić, prof. Vlado Kerošević, prof.dr. Srđan Vukadinović, doc.dr. Aljo Mujčić, prof.dr. Azem Kožar, prof.dr. Farid Ljuca, prof.dr. Kasim Muminhodžić, prof.dr. Fehim Dedagić, prof.dr. Mirjana Radić i prof.dr. Muhamed Bijedić.

Osim članova Senata sjednici su prisustvovali: Edin Eminović i Faruk Hadžić - studenti i Mirsada Delić, dipl.pravnik – sekretar Senata.

Sjednici nisu prisustvovali: Amir Mešković, stalni predstavnik SVO, doc.dr. Edin Delić – predsjednik Sindikata visokog obrazovanja i voditelj ureda za osiguranje kvaliteta, Jasmina Berbić, dipl.pravnik – generalni sekretar Univerziteta.

Prije razmatranja radnog dijela sjednice, prof.dr. Džemo Tufekčić - rektor Univerziteta informisao je Senat da je pozvano i 11 redovnih profesora Univerziteta, kojima će se u povodu izbora u zvanje redovnog profesora uručiti i Certificati. Prisutne je toplo pozdravio i zaželio im dobrodošlicu, nakon čega su Certificate dobili: prof.dr. Zlata Žigić, prof.dr. Ešref Bećirović, prof.dr. Muharem Zildžić, prof.dr. Admedina Savković, prof.dr. Mahmud Nurkić, prof.dr. Zijad Ibrišimović, prof.dr. Pašaga Muratović i prof.dr. Jasminka Sadadinović.

Zbog odsustva, Certificati će naknadno biti uručeni: prof.dr. Zijadu Pašiću, prof.dr. Rami Kurtanoviću i prof.dr. Fehimu Dedagiću.

Na prijedlog Rektora Univerziteta, Senat je prihvatio da se pod tačkom 5.2. razmatra: Prijedlog za usvajanje Izvještaja Komisije o ocjeni uslova kandidata mr.sc. Zvezdana Karadžina, dipl.ing.rudarstva, za sticanje naučnog stepena doktora nauka i podobnosti teme doktorske disertacije pod nazivom: «Minimiziranje post-rudarskih okolinskih hazarda u toku životnog ciklusa rudnika» i Prijedlog za imenovanje mentora: dr.sc. Abdulah Bašić, redovni profesor za nastavni predmet "Provjetranje", Rudarsko-geološko-građevinski fakultet Univerziteta u Tuzli, nakon čega je za ovu sjednicu utvrđen slijedeći

DNEVNI RED

1. Usvajanje Zapisnika sa VIII sjednice i Izvještaja o realizaciji odluka i zaključaka Senata Univerziteta u Tuzli
2. Razmatranje prijedloga Edukacijsko-rehabilitacijskog fakulteta za izmjenu i dopunu Pravila Univerziteta u Tuzli (Prečišćeni tekst)
3. Razmatranje prijedloga Edukacijsko-rehabilitacijskog fakulteta za izmjenu i dopunu Plana pokrivenosti nastave na postdiplomskom studiju za šk.2006/07. godinu
4. Donošenje Odluke o raspisivanju Konkursa za izbor u naučno-nastavna i saradnička zvanja na Univerzitetu u Tuzli
5. Razmatranje prijedloga naučno-nastavnih vijeća fakulteta za prihvatanje Izvještaja o ocjeni uslova kandidata za sticanje naučnog stepena doktora nauka i podobnosti teme za izradu doktorske disertacije i davanje prethodne saglasnosti za imenovanje mentora
6. Donošenje Odluke o obrazovanju komisija za doktorske disertacije
 - 6.1. Obrazovanje Komisije za ocjenu doktorske disertacije
 - 6.2. Obrazovanje Komisije za ocjenu uslova kandidata za sticanje naučnog stepena doktora nauka i podobnosti teme za izradu doktorske disertacije
7. Tekuća pitanja i informacije

TAČKA 1.

USVAJANJE ZAPISNIKA SA VIII SJEDNICE I IZVJEŠTAJA O REALIZACIJI ODLUKA I ZAKLJUČAKA SENATA UNIVERZITETA U TUZLI

Zapisnik sa VIII sjednice i izvještaj o realizaciji odluka i zaključaka Senata Univerziteta u Tuzli usvojen je jednoglasno i bez primjedbi.

TAČKA 2.

RAZMATRANJE PRIJEDLOGA EDUKACIJSKO-REHABILITACIJSKOG FAKULTETA ZA IZMJENU I DOPUNU PRAVILA UNIVERZITETA U TUZLI (PREČIŠĆENI TEKST)

Nakon razmatranja prijedloga Edukacijsko-rehabilitacijskog fakulteta Univerziteta u Tuzli od 01.06.2007. godine, Senat Univerziteta donio je slijedeći

2.

Z A K L J U Č A K

Podržava se inicijativa Edukacijsko-rehabilitacijskog fakulteta Univerziteta u Tuzli od 01.06.2007. godine, za izmjene i dopune Pravila JU Univerzitet u Tuzli (Prečišćeni tekst), i ista će biti predmet rasprave u postupku izmjena i dopuna Pravila Univerziteta u Tuzli (Prečišćeni tekst), odnosno nakon okončanja postupka izmjena i dopuna Zakona o visokom obrazovanju Tuzlanskog kantona.

TAČKA 3.

RAZMATRANJE PRIJEDLOGA EDUKACIJSKO-REHABILITACIJSKOG FAKULTETA ZA IZMJENU I DOPUNU PLANA POKRIVENOSTI NASTAVE NA POSTDIPLOMSKOM STUDIJU ZA ŠK.2006/07. GODINU

Nakon razmatranja prijedloga Naučno-nastavnog vijeća Edukacijsko-rehabilitacijskog fakulteta Univerziteta u Tuzli od 28.05.2007. godine, za izmjenu i dopunu pokrivenosti nastave na postdiplomskom studiju, Senat Univerziteta donio je

3.

ODLUKU

o izmjeni i dopuni pokrivenosti nastave na postdiplomskom studiju na Edukacijsko-rehabilitacijskom fakultetu Univerziteta u Tuzli

I

U Nastavnom planu i programu postdiplomskog studija na Edukacijsko-rehabilitacijskom fakultetu Univerziteta u Tuzli, donesenog Odlukom Senata Univerziteta broj: 03-4412-2.2/06 od 28.06.2006. godine, sa početkom primjene od šk. 2006/07. godine, vrši se izmjena i dopuna u dijelu pokrivenosti nastave i glasi:

U užoj naučnoj oblasti – područje: "Motorički poremećaji i hronične bolesti", na nastavnom predmetu: "Kreativna terapija", umjesto dr.sc. Ines Joković, docenta, nastavu će izvoditi dr.sc. Miroslav Prstačić, redovni profesor (20 sati predavanja i 5 sati vježbi).

II

Ova Odluka čini sastavni dio Nastavnog plana i programa postdiplomskog studija na Edukacijsko-rehabilitacijskom fakultetu Univerziteta u Tuzli.

TAČKA 4.

DONOŠENJE ODLUKE O RASPISIVANJU KONKURSA ZA IZBOR KANDIDATA U SARADNIČKA ZVANJA NA UNIVERZITETU U TUZLI

Nakon razmatranja prijedloga Naučno-nastavnog vijeća Prirodno-matematičkog fakulteta Univerziteta u Tuzli, za raspisivanje Konkursa za izbor kandidata u naučno-nastavna i saradnička zvanja, Senat Univerziteta donio je slijedeću

4.

I

Raspisuje se Konkurs za izbor kandidata u naučno-nastavna i saradnička zvanja na Prirodno-matematičkom fakultetu Univerziteta u Tuzli (u daljem tekstu: Konkurs).

II

Sastavni dio ove Odluke čini tekst Konkursa.

TAČKA 5.

RAZMATRANJE PRIJEDLOGA NAUČNO-NASTAVNIH VIJEĆA FAKULTETA ZA PRIHVATANJE IZVJEŠTAJA O OCJENI USLOVA KANDIDATA ZA STICANJE NAUČNOG STEPENA DOKTORA NAUKA I PODOBNOSTI TEME ZA IZRADU DOKTORSKE DISERTACIJE I DAVANJE PRETHODNE SAGLASNOSTI ZA IMENOVANJE MENTORA

Nakon razmatranja prijedloga Naučno-nastavnih vijeća Medicinskog i Rudarsko-geološko-građevinskog fakulteta Univerziteta u Tuzli, za usvajanje Izvještaja Komisije o ocjeni uslova kandidata za sticanje naučnog stepena doktora nauka i podobnosti tema za izradu doktorske disertacije, te prijedloga za imenovanje mentora, **Senat Univerziteta donio je slijedeće**

O D L U K E

5.1.

Prihvata se Izvještaj Komisije o ocjeni uslova kandidata **mr.sc. Enesa Halilovića, spec.porodične medicine**, za sticanje naučnog stepena doktora nauka i podobnosti teme za izradu doktorske disertacije pod nazivom: **«Homocistein u angiografski dokazanoj koronarnoj bolesti».**

5.1.1.

Daje se prethodna saglasnost za imenovanje mentora – **dr.sc. Emir Kabil, vanredni profesor** za nastavni predmet «Hirurgija sa ratnom hirurgijom», Medicinski fakultet Univerziteta u Tuzli, radi pružanja pomoći kandidatu **mr.sc. Enesu Haliloviću, spec.porodične medicine**, pri izradi doktorske disertacije pod nazivom: **«Homocistein u angiografski dokazanoj koronarnoj bolesti».**

5.2

Prihvata se Izvještaj Komisije o ocjeni uslova kandidata **mr.sc. Zvezdana Karadžina, dipl.ing.rudarstva**, za sticanje naučnog stepena doktora nauka i podobnosti teme za izradu doktorske disertacije pod nazivom: **«Minimiziranje post-rudarskih okolinskih hazarda u toku životnog ciklusa rudnika».**

5.2.1

Daje se prethodna saglasnost za imenovanje mentora – **dr.sc. Abdulah Bašić, redovni profesor** za nastavni predmet «Provjetranje», Rudarsko-geološko-građevinski fakultet Univerziteta u Tuzli, radi pružanja pomoći kandidatu **mr.sc. Zvezdanu Karadžinu, dipl.ing.rudarstva**, pri izradi doktorske disertacije pod nazivom: **«Minimiziranje post-rudarskih okolinskih hazarda u toku životnog ciklusa rudnika».**

TAČKA 6.

DONOŠENJE ODLUKE O OBRAZOVANJU KOMISIJA ZA DOKTORSKE DISERTACIJE

6.1. Obrazovanje Komisije za ocjenu doktorske disertacije

Nakon razmatranja prijedloga Naučno-nastavnog vijeća Medicinskog fakulteta Univerziteta u Tuzli, o obrazovanju Komisije za ocjenu doktorske disertacije, **Senat Univerziteta donio je**

O D L U K E

o obrazovanju Komisija za ocjenu doktorskih disertacija

6.1.1.

Obrazuje se Komisija za ocjenu doktorske disertacije kandidata **mr.sc. Vahida Jusufovića, spec.oftalmologije**, pod nazivom: «**Kvalitet vida nakon operacije katarakte implantacijom multifokalne intraokularne leće**», u sastavu:

1. **dr.sc. Farid Ljuca, vanredni profesor** za nastavni predmet «Fiziologija», Medicinski fakultet Univerziteta u Tuzli,
2. **dr.sc. Dževdet Sarajlić, vanredni profesor** za nastavni predmet «Oftalmologija», Medicinski fakultet Univerziteta u Tuzli,
3. **dr.sc. Milan Ivanišević, redovni profesor** za nastavni predmet «Oftalmologija», Medicinski fakultet Sveučilišta u Splitu.

6.1.2.

Obrazuje se Komisija za ocjenu doktorske disertacije kandidata **mr.sc. Mirjane Vidović, spec.neuropsihijatrije**, pod nazivom: «**Unilateralno zanemarivanje i anoznozija u akutnoj fazi moždanog udara**», u sastavu:

1. **dr.sc. Dževdet Smajlović, docent** za nastavni predmet «Neuropsihijatrija sa medicinskom psihologijom», Medicinski fakultet Univerziteta u Tuzli,
2. **dr.sc. Osman Sinanović, redovni profesor** za nastavni predmet «Neuropsihijatrija sa medicinskom psihologijom», Medicinski fakultet Univerziteta u Tuzli,
3. **dr.sc. Esmina Avdibegović, docent** za nastavni predmet «Neuropsihijatrija sa medicinskom psihologijom», Medicinski fakultet Univerziteta u Tuzli.

6.1.3.

Obrazuje se Komisija za ocjenu doktorske disertacije kandidata **mr.sc. Nihade Ahmetović, spec.higijene – zdravstvene ekologije**, pod nazivom: «**Javnozdravstveni efekti aerozagadenja na zdravlje stanovništva Tuzle**», u sastavu:

1. **dr.sc. Zijad Bešlić, redovni profesor** za nastavni predmet "Socijalna medicina sa organizacijom zdravstvene zaštite", Medicinski fakultet Univerziteta u Tuzli,
2. **dr.sc. Vesna Ferković, vanredni profesor** za nastavni predmet "Socijalna medicina sa organizacijom zdravstvene zaštite", Medicinski fakultet Univerziteta u Tuzli,
3. **dr.sc. Sabina Nuhbegović, vanredni profesor** za nastavni predmet "Fiziologija", Medicinski fakultet Univerziteta u Tuzli.

*Komisija za ocjenu doktorske disertacije dužna je da pregleda disertaciju i podnese Naučno-nastavnom vijeću Fakulteta pismeni Izvještaj o ocjeni disertacije sa prijedlogom, u roku koji ne može biti duži od šest mjeseci.

6.2. Obrazovanje Komisije za ocjenu uslova kandidata za sticanje naučnog stepena doktora nauka i podobnosti teme za izradu doktorske disertacije

Nakon razmatranja prijedloga Naučno-nastavnih vijeća Medicinskog i Rudarsko-geološko-građevinskog fakulteta Univerziteta u Tuzli, o obrazovanju Komisije za ocjenu uslova kandidata za sticanje naučnog stepena doktora nauka i podobnosti teme za izradu doktorske disertacije, **Senat Univerziteta donio je**

O D L U K E

o obrazovanju Komisija za ocjenu uslova kandidata za sticanje naučnog stepena doktora nauka i podobnosti tema za izradu doktorskih disertacija

6.2.1.

Obrazuje se Komisija za ocjenu uslova kandidata **mr.sc. Ervina Alibegovića, spec.interne medicine**, za sticanje naučnog stepena doktora nauka i podobnosti teme za izradu doktorske disertacije pod nazivom: «**Ultrazvuk i C reaktivni protein u prognozi akutnog pankreatitisa**», u sastavu:

- 1. dr.sc. Muharem Zildžić, redovni profesor** za nastavni predmet "Interna medicina", Medicinski fakultet Univerziteta u Tuzli,
- 2. dr.sc. Kasim Muminhodžić, redovni profesor** za nastavni predmet "Interna medicina sa pneumoftizijom", Medicinski fakultet Univerziteta u Tuzli,
- 3. dr.sc. Nada Pavlović-Čalić, docent** za nastavni predmet "Interna medicina sa pneumoftizijom", Medicinski fakultet Univerziteta u Tuzli.

6.2.2.

Obrazuje se Komisija za ocjenu uslova kandidata **mr.sc. Nurfeta Alića, dipl.ing.rudarstva**, za sticanje naučnog stepena doktora nauka i podobnosti teme za izradu doktorske disertacije pod nazivom: «**Međusobni uticaj viševentilatorskih potencijala u ventilacionim sistemima podzemnih rudnika uglja**», u sastavu:

- 1. dr.sc. Abdulah Bašić, redovni profesor** za nastavni predmet "Provjetravanje", Rudarsko-geološko-građevinski fakultet Univerziteta u Tuzli,
- 2. dr.sc. Edin Delić, docent** za užu naučnu oblast "Aerologija i sigurnost", Rudarsko-geološko-građevinski fakultet Univerziteta u Tuzli,
- 3. dr.sc. Abduselam Adilović, vanredni profesor** za nastavni predmet "Sigurnost i zaštita u rudarstvu", Rudarsko-geološko-građevinski fakultet Univerziteta u Tuzli.

*Komisija za ocjenu uslova kandidata za sticanje naučnog stepena doktora nauka i podobnosti teme za izradu doktorske disertacije dužna je da, najkasnije u roku od 90 dana od dana imenovanja, dostavi Naučno-nastavnom vijeću Medicinskog fakulteta Izvještaj o ocjeni uslova kandidata za sticanje naučnog stepena doktora nauka i podobnosti teme za izradu doktorske disertacije u tri primjerka.

TAČKA 7.
TEKUĆA PITANJA I INFORMACIJE

Prof.dr. Džemo Tufekčić, rektor Univerziteta, u cilju potpunog i kvalitetnog informisanja, upoznao je Senat o nekim događanjima na Ekonomskom fakultetu, odnosno o potpisivanju Peticije od strane studenata i objavljenim člancima u vezi sa navodnim premiještanjem Ekonomskog fakulteta iz Tuzle u Lukavac. Ukratko je podsjetio da je prethodno bio stavljen moratorij na vanredni studij na svim Fakultetima, nakon čega je uslijedilo preispitivanje istog i povećanje broja studenata za upis u I godinu dodiplomskog studija na Univerzitet u Tuzli u šk. 2007/08. godini.

U vezi s tim, načelnik Općine Lukavac, gosp. Dževad Mujkić, ponudio je pomoć, tj. poslovni prostor u Domu kulture Lukavac za Visoku poslovnu školu. Zbog toga, Rektor Univerziteta, zatražio je da nadležni sa Ekonomskog fakulteta o tome ispravno informišu studente, da USUT pokrene aktivnosti i potpisivanje Peticije za rješavanje poslovnog prostora tj. dodjelu prostora bivše Kasarne u Tuzli, zbog utvrđenog broja od 3.845 studenata za upis na Univerzitet u Tuzli u šk. 2007/08. godini.

Senat Univerziteta je informisan da je održana i Skupština USUT-a, na kojoj je izabran predsjednik i predstavnici studenata u Senatu Univerziteta, o čemu će se dostaviti i odluke, u cilju verifikacije mandata u Senatu Univerziteta.

Drugih pitanja i informacija nije bilo pa je sjednica Senata Univerziteta završena u 14,30 sati.

SEKRETAR SENATA

Mirsada Delić, dipl.pravnik

UNIVERZITET U TUZLI

Broj: 03-4556-1/07.

Tuzla, 20.06.2007. godine

**PREDSJEDNIK
SENATA UNIVERZITETA**

Dr.sc. Džemo Tufekčić, red.prof.